

Saksprotokoll i Rådet for menneske med nedsett funksjonsevne - 29.10.2014

Synfaring til skular og tannklinikk 29.-30. oktober:

Synfaring med RMNF 29.10.2014

Amalie Skram videregående skole

Fylkesrådet har vore med på 2 arbeidsmøter i starten av planfasen, der ein fekk koma med innspel og idèar. Første møtet handla om tilgjenge, og det andre møtet handla om lys, akustikk, fargar og universell utforming (UU) elles. For rådet var det ei positiv oppleving under synfaringa, då ein såg at UU var så godt gjennomført i heile bygget. Det var knytta stor spenning til akustikk, men dette var løyst på ein tilfredsstillande måte både i gongane og i kantineområdet.

Konklusjonen var at rådet var godt tilfreds med alt som handla om universell utforming.

Synfaring med RMNF 30.10.2014

1. Årstad tannklinikk

Rampe frå parkering til inngang er for bratt. HC-toalett er ikkje godkjent. Litt trong møblering på enkelte behandlingsrom. Trong møblering i gongane, som kan få følgjer ved ein rask evakuering. SIB-avdeling har mykje betre plass, den er ok. Behandlingsrom 3 er godt tilrettelagt. Det er generelt liten kontrast i gongane, kan rettast med ei enkel stripe/bord. I gongane kunne fargane ha vore litt meir dus, ikkje så kvite som dei er no, for no verkar dei, saman med lyssettinga, blendande. Gode handrekker i gongane, men manglar i inngangspartiet.

Nødutgang mot Årstadveien; dørterskel ved utgang er for høg, 2 trinn på utsida bør merkast då dei er vanskeleg å få auga på. Sykkelstativet stengjer nødutgangen.

2. Langhaugen videregående skole.

Gode fotrister ved hovudinngong gjer reinhaldet enklare. Dørøpnar lite tilgjengelig. God plass på HC-toaletta, men manglar tilgjengelige toaletttrullar, laga betre rutinar. Handtak feilplassert på alle HC-toalett. Automatisk dørøpnar lukkar for raskt. Papirkorger på HC-toalett er feilplassert, og såpe og tørkepapir kunne vore betre plassert (gjeld 1. etg) 2. etg er vask og papir bra, men såpe feilplassert. Her er det gode kontrastar i gongane. Vindauge i 3. etg. bør merkast betre. HC-heis til scenen fungerer godt.

Her er ikkje merka HC-parkering, bruker skuleplassen, men denne blir stengt kl 14.

3. Slåtthaug, A-bygget

Gode ledelinjer i inngangsparti, fungerer også som rømmingsleder, då dei er fluoriserande. God skilting utvendig, men dårlig skilting inne. Begge plattformheisane svikta, vil fungera bra når dei får dei til å virka igjen. Hadde med prøver av ein ny type matte til inngangspartiet, der det var påmonterte ledelinjer (skrudd fast). Skal prøva å få tak fluoriserande overflater til dei nye ledelinjene. Heis frå vestibyle må få elektrisk dørøpnar. Heis frå garderobe har for kort responstid på dør. HC-toalett verkstad feilmontert papirhandkleholdar.

B bygget

HC-toalett nesten godkjent, manglar handtak på dør.

D bygget

Litt for kort responstid på inngangsdør. HC-toalett manglar speil. God markering av trapper. Heis er ok. Teorilokale er bra, men ein dørterskel er unødvendig høg, på grensa for TEK-10.

4. Stend

Jenteinternat

Eit lite parti med singel som gjorde at rullestol kjørte seg fast, elles ok inngangsparti. Veldig lang responstid på dør til HC-toalett, elles er toalett ok. Heisdør litt for kort responstid. Dei fleste gamle trappene mangla merking på trappenase. God kontrast i gongane. HC- toalett i 1. etg, skittentøykorg under vasken.

Skulebygg

God markering av trapper, men dei gamle trappene var ikkje merka. Steril gong med lange einsfarga flater, ei stripe/bord midt på vegg ville hjelpe svaksynte. Heis er under bygging. Guteinternatet er ikkje tilgjengeleg.

Inngang E

Garderobar, HC-toalett er ok. Den nye heisen vil gje tilgjenge i store deler av bygningen
Det bør vera tydelig kontrastmarkering rundt trykk-knapp for døropnar, så alle, også svaksynte, kan lettare sjå knappen. Knappen bør også merkast taktilt.
Hjørnevask på HC-toalett er som hovudregel å foretrekka for å sikra best tilgjenge for alle.

Forfall til rådsmøter: Forfall til møter i rådet er stor og særskilt frå politiske medlemar. Det svekkar funksjonen til rådet og påverknaden rådet har. Rådet er uroa for kontinuiteten, omdøme og politisk påverknad.

Årsmeldinga 2014: Rådet for menneske med nedsett funksjonsevne fekk ein kommentar frå fylkestinget 14. oktober på årsmeldinga for 2013 der det var ønskeleg å få meir konkret informasjon om kva rådet har jobba med og kva saker som er viktige. Rådet erkjenner at årsmeldinga for 2013 ikkje var optimal og at det var ønskeleg med ein klarare arbeidsfordeling for dette dokumentet.

Intervall ved trafikklys for overgang ved vegkryss: Rådet har lagt merke til at lysintervalla for overgangen ved bystasjonen er så kort at det er vanskeleg å kome over for funksjonsfriske, og rådet meiner det vil vere ein fordel om desse intervalla vert lengre.

Vedtak

Forfall til rådsmøter: Rådet for menneske med nedsett funksjonsevne vedtok å sende ein melding til rådet sine medlemar der ein minner dei om kva pliktar ein har som medlem i rådet og kva som er forventta av dei. Rådet sine medlemar skal og bruke skjema for forfall som dei andre politiske utvala.

Årsmeldinga 2014: Rådet for menneske med nedsett funksjonsevne vedtok slik arbeidsfordeling:

- Rådsmedlemene kjem med innspel til kva dei ønskjer å ha med i årsmeldinga og kva dei har delteke på.
- Leiar er ansvarleg for innhaldet i årsmeldinga og for å sette saman den informasjonen som kjem frå rådsmedlemene.
- Administrasjonen er ansvarleg for å korrekturlesing, lay-out og distribuering.

Rådet for menneske med nedsett funksjonsevne har tidlegare vedteke at eit råutkast for årsmeldinga skal sendast ut i januar/februar og rådet skal utarbeide eit endeleg utkast påfølgjande rådsmøte.

Intervall ved trafikklys for overgang ved vegkryss: Rådet for menneske med nedsett funksjonsevne vedtok å be om ein orientering frå Statens vegvesen angående lysintervall for vegkrysset ved bystasjonen.